



Pamɛbhamɛ

'Nimloo 002 -Zakayabhə -Kwɛ 2005 'su -bha 'sëédhɛ -mü **Blowo**

-Wo kpö =bhlëzë

-Më -kë -ɛ?

'Wuntao bə 'sëédhɛ -kë -de 'kpö wo 'gü -sü -gɛn tɔɔ -më -ɛ?

-Më -kë 'pö 'yaa kë =Daanwopö -wo 'gü i?

-Më -kë 'ö 'wo- =bɛɛn- 'kwiwo 'sloo 'gü i?

-Wo =vava -nu 'wo -kë =nɛ 'kwiwo -nu 'dhö, =glɛɛ'- -wo -nu 'dhö, 'Lüma -nu -nu 'dhö, -wo -an -dɔ 'kpongtaadhɛ -todhösü 'gü, -an -bha -kë =bhlëzë -sü bhë -a -zɔn -sü 'ka 'kpongtaadhɛ 'kpekpe wö 'dhiö.

-Më -kë 'ö 'kwaa- -zɔn 'pö =nɛ kwa 'kpö -wo bhë, -a 'kpokpo =Daanwopöwo

bhë, -yö -wo 'ö 'bhee- -a 'ka, 'yö -bha kö -a -bha -kë =bhlëzë -sü bhë 'kwa- -zɔn mɛ -nu dhë =nɛ -kɔ 'ö -wo mɛ 'wo to 'kwa -an -bha 'wun ma -a 'ka bhë -a 'dhö.

-Dewo pö -sü -yö ya -sü bhë, -yö ö -de -sü -bhaazë -sü 'ka 'ö mɛ 'yaa- 'wun dɔ ö -de -gɔ -a 'ka, 'kɛɛ kö wo gbɛ 'yaa =bhlëzë -yaan zïö -wo 'bhaa -ta.

Kö =kun 'ö 'kwa 'weë- 'ö mɛ -nu -wa pö kwa -blü 'gü : mɛ =nɛ yaa =klang' kë. -A -wun 'gü, yi -bha mɛ -nu -wun 'gbeezë, =ya kë =nɛ 'wuntao bə 'sëédhɛ =nɛ yi-

-bho gou 'dhö kö pë 'ö- -wun to kwa -gɔ -ya -ta pa. Yi yi -zotën ü -dhë =nɛ : 'wun -deado 'wo- wo kwa -gɔ bhë kö 'kwa- bho kwa -ta.

-Kwa 'wun =blɛɛ'- kwa 'ko -nu -dhë. 'Sëédhɛ =nɛ yi- -bɛɛn Blowo waa- gwɛɛtaawo -an 'gü kö 'sɛgɔ -gɔa =plɛ 'wo bhë 'wun -nu 'wo kë -na 'sɛgü bhë -wa ma 'töng dɔ 'ka. Ka -de 'pö yi -ya ka -bha 'wuntao -nu -gɔ. Ü zuö 'wun -gɛn ma -sü waa ü -bha -dɔ yi gbango -sü 'ka -a -zɔn -sü 'ka =nɛ kwa 'kpöwo bhë -yö 'bhee-.



Kwaa -bha =daanwopö 'sɛgü -wun

-Dɔ mɛ -nu -gban -gɔ -sü.

Kwa -bha =Daanwopö 'sɛ pian mɛ 'ö -kë =Daan'- -sɛ 'ka bhë, 'ö sü -glu -da kwa -bha 'sɛ -gɔ 'gü -süë -kɔlokota =plëézë -wo -gban -Sü 'gü kö -wo dɔ mɛ -nu -gban -gɔ. -A -wun 'gü -kɔlokota =plɛ 'wo -an -dhɛ Ebenezɛɛ waa Siloe -wo yuö plëézë kë -sü 'gü.

Ebenezɛɛ -bha yuö 'ö tɔɔ sɔ -nu 'ö- -glu mɛ -nu 'ö 'wëü- -wun 'dhö -an kë -na 'iin 'ö sɔ gbɛ 'yaa -an -gɔ bhë -a 'ka. Yuö =suu'- =nɛ, gɔɔn- 'wo- -dhɛ Gea 'Zɔɔsü waa- dhebo 'wo- -dhɛ Gɔɔnpuu Elizë 'wo yö -a -dhë 'dhiö.

Siloe -bha yuö 'ö tɔɔ 'pö 'në dhoo -nu =daan'- -sü =klang' 'pa =taa

'iin 'zü sɔ -wo -su waa- -zoke 'kɔɔ -wun waa në -wun 'piö -sü, 'iin 'zü 'në dhoo -nu -bha -zo -kë -de 'piö -kɔ.

'Go -an -zotaagü -wun -së bhë -Zlan -yö 'dhuë 'kpö -a -bha kö -yö 'dho 'dhiö -glu 'töng 'gbee- 'kwa dɔa =nɛ -a 'gü -dɔ mɛ -nu -gban -gɔ -sü 'ka.

L'orthographe Dan Blowo

Voici ce que nous pouvons prendre pour savoir lire et écrire en langue dan.

Les consonnes et les voyelles que vous ne voyez pas ici sont les mêmes qu' en français.

Attention:

1. c, h, j, qu et x n'existent pas en dan.

2. r ne se trouve jamais au début d'un mot.

Voici le reste de l' alphabet :

Lettres	Exemple	Traduction
Aa	'kaa	<i>gale</i>
An	'gan	<i>tirer</i>
Aan	=saan'	<i>cadeau</i>
aɔ	kaɔ	<i>perdrix</i>
aɔn	daɔn	<i>araignée</i>
bh	-bho	<i>cabris</i>
dh	dhe	<i>mère</i>
ɛ	'pɛ	<i>déchirer</i>
ɛɛ	=dɛɛ	<i>aujourd'hui</i>

ɛn	-gɛn	<i>pied</i>
ɛɛn	=gbɛɛn	<i>long</i>
ë	pë	<i>chose</i>
aɔ	'kaɔ	<i>daba</i>
ëɛn	=klëɛn	<i>entourer</i>
ɛa	'kpɛa	<i>sec</i>
ɛan	gɛan	<i>scorpion</i>
gw	-gwö	<i>caillou</i>
in	'bin	<i>fleur, image</i>
iin	'iin	<i>ou</i>
ee	'gbee-	<i>fort</i>
kw	=kwaa-	<i>main gauche</i>
ng ¹	gbeng	<i>nuit</i>
oo	-zloo	<i>chenille</i>
ɔ	-dhɔ	<i>amour</i>
ɔɔ	=wɔɔ-	<i>singe</i>
ɔn	'yɔn	<i>huile</i>
ɔɔn	=Sɔɔn	<i>comportement</i>
ö	pö	<i>dire</i>
öö	=töö'	<i>panier</i>

u	'su	<i>lune</i>
un	bun	<i>corps</i>
gw	gwɛɛ-	<i>baobab</i>
uun	'yuun	<i>asticot</i>
ü	'gü	<i>intérieur</i>
üü	=glüü'-	<i>frotter</i>
üö	'güö	<i>brûler</i>
öö	=bhöü'-	<i>tarir</i>

-Wo 'dho -kɔ (Les tons)

haut	'lü	<i>arbre</i>
moyen	dë	<i>père</i>
bas	=zɛ	<i>termite</i>
Tombant	-dhɔ	<i>amour</i>
haut + tombant	'Blɔɔn-	<i>folle</i>
moyen + tombant	Pö-	<i>Village</i>
bas + tombant	=göö-	<i>iroko</i>
Bas + montant+tombant	=fuu'-	<i>eponge</i>
Bas + montant	=laa'	<i>panthère</i>

Wun 'zü =mɛɛ' - 'sɛɛ dhe 'ö 'kwi -nu -wa dhe diküso nɛɛ

'Wun 'zü =mɛɛ' - 'sɛɛ dhe bhë , yö =nɛ, 'ö kwa -wo kpökpö -nu 'wo-dhō 'wo- -gen pö kwa dhë, -a 'wun 'dho 'gblo waa -a =blɛɛ' -gen, 'iin -a =blɛɛ' -ko -sɛ 'wo- -zon kwa -dhë.

'kwi 'Puu -nu 'wo -Kë 'wun 'zü =mɛɛ' -mɛ -nu 'ka, 'wo go =lusi -sɛ 'gü, 'ö -kwa -bha 'kwi dhebɔ Wunsɛ waa- 'kwi gɔn 'wo- -dhe Beatö 'yö yö -gbia -mɛ -nu -bha yuö 'dhoë- kweɛ bhë, wo =nɛ 'wo yö -an -dhë 'dhiö, 'wo nu kwa

-wo 'zü =mɛɛ' - =dhia kö -waan -a =bɛɛn' -yaan kë 'sɛɛ dhe -be do 'ka.

Mɛ 'wo 'dhö bhë an 'tɔ -nu 'wo =nɛ: -Gomɛ kpü - Vidrinö Valangten 'yö ö -zo -kë 'maawo 'wo- gwɛɛtaawo -kë bhë -a 'piö, Ana Hɛɛmanö 'yö ö -zo -kë =Daanwo 'wo- blowo -kë -a 'piö.

-A yuö bhë -a zü -yö -do -kwe 'wo -dhe 2001 -a 'gü 'ö -kwe =ya ziö do 'ö 'wo nu yuö bhë -a 'dhiö 'wo 'su -yaaga -kë .

Kwa -bha 'në -nu =plɛ 'wo -an -dhe kese Mɔnyan waa- Zafe 'Dhɔɔgbö waa 'kwi -nu 'wo yuö bhë -a kë =dhia. -Kwe mɛ 'ö =nɛ -a -bha yuö zü -yö -do -kwe -dëü 'su -blɛɛzë 'wo- -dhe -kweyalo bhë -a -dhekpaaɣi 10 'ka.

'Kö =daanwopöme kwa -bha 'wunsɛ =nɛ 'ö bhë.

Yi -bha 'nimlo 'yö =nɛ : 08 BP 857 Abidjan 08

Kwa -bha 'Kativaa -sɛ 'gü -wun

Këwunyaa =ya sla.

'Ö sü -glu -bha -da kwa -gɔ 'sɛ 'gü -sü -bha, kë -pɛ yaa -m=ya 'sɛ bho kwa 'sɛgɔ 'kwi -pö =vaadhö Bia.

Bia :

'Su 'kwa 'go -na -a 'gü =nɛ, polisü -nu -wo kë -pɛ yaa -mɛ =plɛ -zɛ -kping =va 'wo- -dhe bulövaa =nangi Ablogua bhë -a -ta bhii 'ö tɔɔ -wo -sɔ -an -ta kö -wo molitani mi do -bha -pii 'kɔ 'wü -na, kö bu 'në 'wo- -dhe -na pitole bhë -yan -gɔ. -A 'töng do bhë -a 'ka kö -a mɛ 'bhaa -nu =wa yö mɛ -nu bha 'mɔbhli -gɔ zian- -waan -a =kpië -an -gɔ bia -kping 'pian mɛ 'wo- dhe kɔnisü 'ö bɔ =balong -zuö -dhe =va =zlöö bhë -a 'ka. -A mɛ -nu 'wo 'mɔbhli =kpië -an -gɔ

bhë, -wo 'wëü -nu 'iin =baa' -pɛ 'plɛ -sü -an -ta.

'Wuntaɔbɔmɛ -nu 'töüdhö -an -ma Minitlë zii 'wo- dhe Liabi Dua 'Yua bhë këpëyaamɛ -nu -wo -sɔ -a 'piö kɔɔ gbeng Bia 'guungɔ 'wo- dhe 'Angle bhë -a 'gü.

Lan- -püö =zian'

'Töng do gia- 'ö 'wun yö =kaa' bhë 'ö 'wo 'ko =va zɛ -a 'ka pö- 'wo- dhe 'Loguadhö bhë -a 'gü lan- -püö =zian' kwa -bha 'sɛ 'pian -ta. 'Pian do gia- bhë -a -ta -Dukwitaa -dhe 'sɔɔ 'pö ɛ, -wo 'ko zɛ -sü 'gü wo 'koë 'më 'pö -nian -nu waa pö- -mɛ -nu -an ziën, 'ö mɛ =plɛɛzë -wo bɔ -a -ta 'wo ga =slɔɔ, 'ö 'wo wo 'ko -nu -bha 'kɔ -nu -güö.

Nasian : Bɔngduku 'pian -ta

Këpëyaamɛ -bha -kë 'sɛgü =va -sü bhë -a -wun 'gü 'ö 'kwi -sɛ mɛ 'wo -dhe Nasian 'ö lan- =luu' -zian bhë, -a 'Kumana =ya 'go pö- bhë -a 'gü -a -kwe =ya kë do waa 'su =plɛ. Pɛ -nu bhë 'töüdhö -ya -zon =nɛ -glu -bha -da kwa -gɔ 'sɛ 'gü -sü =ya këpëyaa 'dhiö ziö, bu kɔɔnmɛ -nu =wa kë =va. Nasian -mɛ -nu -bha pɛ 'ö -kë -sɛ zlöö 'ö tɔɔ -a 'kpɔ 'në -nu -wo -dho wo 'koë- 'wo wo -wo -zuö 'Kumana 'piö 'gɛn -nu -a -dhë -sü 'ka =nɛ wo -dhö wo -zo kë -a -bha toseadhe 'piö kö =kun 'ö 'wun 'gbee- dhoë- -ta yö 'iin kö =zuö -ya 'gluu -yö kë -an -gɔ 'sɛ 'gü.

=Dhe -kë 'dhö 'Kumana bhë -a -de =ya 'yɛ ö 'zü =ya 'dho ö yuö kë -dhe =bhaa.

Divo.

Këpëyaamɛ -nu =wa kë -wo -dho 'kwi -sɛ mɛ 'wo- dhe Divo bhë -a -zian -ta 'ö 'wo zian ta 'mɔbhli -nu -gɔ kö =kun 'wo dhö ziö, 'ö =ya kë 'wo -dho 'ta 'gü -mɛ -nu -ta -lö. -Dhekpaaɣi =plɛ =nɛ -a 'piö -a mɛ 'bhaa -nu =wa 'dho zian dhö 'më 'zü. Pɛ -nu 'wo- -zon =nɛ kwa -bha 'sɛgɔ =nɛ -a -bha këpëyaa =ya 'gia. Mɛ -dhö -yö =bheɛ -Zlan -dhë, 'iin 'zü 'kwa- -zian =mɛɛ' -kö 'kwa do 'wunyaa -gɔ 'yɛng =nɛ Nasia -mɛ 'dhö, 'dhe -bho -an -ta -sü 'ka 'sɛ -ta -kpa -mɛ -nu -dhë kö =kun 'wo dhö sɔ kwa -ta.



'Sɛ 'gla -wun waa- mɛ =slɔɔ -pɛ -wun

'Kwië- 'Sukaa bhe.

-Kwe 'ö =nɛ -a 'su 'wo- dhe -Zakayabho bhë -a -dhekpaaɣi 'sɔɔdhu (5) 'ka, pɛ -nu 'gla dhe 'wo- dhe endutri bhë, -an -bha minitrë -yö 'kwië 'sukaabhe ga 'gla 'kɔ do 'wo- dhe isinö bhë, -ya 'kɔdhipo -sü =bhlëkpɔdhe -kë -kwe 'ö =nɛ -a 'su 'wo- dhe -zakayabho bhë -a -dhekpaaɣi 'sɔɔdhu (5) 'ka

'kwi pö- 'wo- dhe 'Denboklo bhë -a =zlöö. -Wo kwa 'paan bho -na =nɛ 'sukaa -lü ga bhë -yö -kë =nɛɛ 'kɛɛ 'dhö, -a 'kilong 'ö -mɔ 'tɔnö -vuu 'sɔɔdhu -bha 5000 'wo dhö -a gla -dhe -dëü bhë -a -bha Denboklo plöö.

-Wa pö -na ka -dhë =nɛ mɛ -lü =kɛnnɔg' -yiisië (400) 'wo -dhö -mɔɔ kö -wo -an 'sü

yuökëdhe -dëü bhë -a -bha. -kwaa dɔɔ =nɛ 'sukaa bhe bhë, 'ö 'wo -dhe 'kwi -wo 'gü anakadö, 'iin 'zü atɛnaa bhe -a ga bhë yuö =kaa' -pɛ -sɛ -mü 'ö- 'kwi 'puu -nu -wa -dhokë =duö, 'ö- ga bhë 'ö mɛ -nu -wa =mɛɛ- 'kwi 'puu -sɛ -nu 'iin metii 'sɛ 'pian 'bhaa -nu -ta.

'Go 'wun =zɔan' -sɛ 'ö -kë kwa -bha 'sɛ 'pian mɛ

'wo- dhe Nzi 'Gbangdama -bha 'wun =zɔan' 'ka bhë, -yö 'to kwa -gɔ kö =kun 'kwa -dhö to kwa kë ke- do 'kpaan -ta =nɛ kakao 'sloo 'dhö. Bhii yuö =suu' -nu 'wo =nɛ -wo -dhö dɔ kwa -gbɔn -gɔ kö 'wëü- -wun 'gbee- nu 'wo kwa Kë -na bhë -waan 'dho sia-.

'kpongtaadhe -wun



'Wun 'ö-gban dhoonu -bha.

-Zakayabho 'Su 'ö kwi -nu -wa -dhe 'maasü bhë, -a -dhekpäyi -bleezë bhë, dhoonu kpö 'wo dho wo 'ko =bhaa kö -waan wo -zo 'ta dhoonu -göa -wun 'gü bhë, -wo wo -bha -yakoëdhe kë 'göyisië 'ö ga 'seisië (49) -naa -kë =mlenken -se 'gü. Dhoonu 'wo -kë Minitlë

dhoonu 'wo 'ka 'iin 'se =koon -me -nu plëezë bō

-nu 'wo -da =kënn'g' =plëezë 'gü 'kpongtaa -dhe -todhösü -bha 'wo -kë wo 'ko =bhaa. -Dhe bhë -a -bha bhë kwa -bha minitlë dhebo 'ö dhoonu -bha 'wun yō -a -bha 'wo- -dhe Zanö pömön bhë, -yō -kë mü. Pë 'wo dho wo 'ko =bhaa -a -wun 'gü 'ö tō kö 'wo- -zon me 'kpekpë wö 'dhiö =nëe -a pō 'wo- wo -na dhoonu waa- gönn- -nu

'waa -mō wo 'koë yuö -wun 'pa =taa, 'wundodhe 'iin =faan' 'ka 'zü bhë 'wun gia- 'yaa -mü. -Zlan -yō =faan' 'dhö, 'wundodhe waa yuö -dō me 'plë kōe. -Ya -bha kö dhoonu -dodhe 'ö -dhö 'kpongtaa bhë waa -an -bha -kō -mō 'wuën -sü bhë, 'wo- zon me 'plë -dhë, =në 'se 'gla -sü, -dō 'yua yaa =plëezë -gō 'yëng -sü, -zokë pë 'piö -sü,

=zuöyagluu waa -dhe ga diing -kë 'se 'gü -sü, me -nu 'yan -gan =klang 'ka -sü, 'gbeedhe -wo me -ta -sü, dhoonu -bōn zë -sü, pë -nu 'wo bhë 'töüdhö -a -kō -mō 'wuën -sü wo -gō kö 'waan- kë 'pō -yaan 'dho sia-.

-Ya -bha kö 'kwa kwa dheglu dhoonu waa- kwa bō -nu =bhlë 'kpō.

'Wun 'ö-gban -potaasü -wun -bha.

Gban =pëedhe 'ö -kë kwa -bha 'Kativā -se -todhösü 'gü

Gban =pëedhe =vava -gōa 'seisië -naa 'ö -kë 'yidhe 'yua =suu' -'töüdhö -a 'dhiö 'kun 'ka bhë, -a zü -dō 'Zëzë 'sü 'wo- -dhe 'kwi -wo 'gü fevlie bhë -a -dhekpäyi 'göoplë ö ga 'söadhu (25) 'ka 'kwipö 'ö -kë =zloo -pō 'kpü 'ka 'wo- -dhe Dadhoa bhë -a 'gü. Kwa -bha 'se =kōnnme waa- kwa -de 'kpō 'në 'ö =dhongtrō -nu -bha minitrë 'ka 'wo- -dhe Alübe 'Magblü 'Tōakësë bhë -wo kë -a -ta. Kwa -bha 'se 'dhiö 'sü -me -nu 'wo bhë, -wa -pō 'ö sü =dëe -bha 'ö y'ō -kwe 'söadhu 'iin 'zü -kwe 'göado -bha (5 - 10) -bha 'kwa 'ko

zë 'yua 'dhö bhë -a 'ka kö =kun 'ö dho kwa -bha 'në -nu, kwaa dhegluzë -nu 'iin kwa dō -me nu -gen 'tō -siö kö -waan kë -sia -me 'ka kö -an =zuö' =yaan =gü'.

'Wun bhë -a zü dō -sü bhë kwa -bha 'dhiö -sü 'se 'ka -me -nu -wo 'kōdhi -po 'në -nu 'ö sü 'dhöggō dō -bha 'ö yōë -kwe söadhu -bha -an gban =pëe-. 'wun bhë -a -wun 'gü -kolokota -gōa =plë 'wo -an -dhe OMS 'ö -kë 'kpontaadhe -todhösü -bha -dhoköë -sü 'wo wo -zokë 'yua -wun 'piö waa- -a me 'wo- -dhe inisefü 'wo

wo -zo -kë 'në -nu -gōa -wun 'piö -wa -pō wo -kō -yō 'wun bhë -a -gō 'wo me -lū -vuu 'göyaaaga (30 000) 'tō -ya kö kö -waan -da pō- 'piö gban =pëedhe bhë -a kë -Sü 'ka. Yi dhoë- pō ka -dhë 'wëü 'ö go kwa -bha 'se =kōnn -me kwëe 'ö tō mliōn =Kënn'g' -yaaga kö gban =pëedhe bhë -yaan kë -a 'ka.

'Këe 'wëü 'wo dhö yuö bhë -a kaa -a -da 'koë- -sü 'ö tō mliōn -vuu =plë 'wo- -dhe -na mliā =plë bhë, 'wëü 'yō dhö go 'kwi 'puu -nu kwëe 'ö bhë kö -waan bō gban pëedhe bhë -a 'ka kwa -bha 'Kativā -dhe 'kpekpë -bha.

bho -sü =plëezë

Metii 'sinimaa

Metii 'sego -bha -bho 'dhëü =plëezë 'ö =ya kë me -nu 'wo bho -me -nu 'ka 'sinimaa- 'gü 'iin 'zü =tele' 'gü -dhe -nu -bha 'wo- -dhe Fesüpako 'wo- -kë -kwe -bha mōsi -se pō- =va 'wo- -dhe =wagadugu bhë -a 'gü bhë, -a kë 'göado ö ga 'seisië

-naa 'ö -kwe =në -a -bha 'ka bhë, waa- kë =ya yën. Me -nu 'wo nu -a bho -sü 'dhö bhë -a -ta bhë, -a me -gōa 'göado ö ga 'seisië 'wo =bhlë -kë -an -dhë. -an -bha =bhlë -nu bhë -a -da 'koë- -sü =sōng' tō mliōn 'göyaaaga ö ga 'sleaga waa-

'wëü -vuu =kënn'g' dō 38.500.000. =Ya 'go mü, me -lū 'wo -mō me 'göyaaaga -bha 'wo gbao -kë 'pō me 'wo bhë -an -dhë. 'Segō 'sleaga 'wo -kë 'wun bhë -a -ta bhë kwa -bha 'sego -yō -kë -an 'piö. -an 'tō =në : Bene, Buukina =faasoo

Ginee, Mali, Nizëe, Senegalö, Togo, 'Kativā. Pë -kë 'wo -bhadhëü fesüpako 'wo- -kë bhë -a -gen tō kö metii -nu kwa -de -bha bho -sü 'sinimaa- -yō kë -dhö 'kwa- -ga 'pō kö =kun 'o to 'kwi -nu 'sloo -bha -bha.

'Yee -wun

'Në gönn- 'në dō bhë, 'yō -gban =glöo -gō kö 'wo -bla 'sü. 'Wo -bla yi kpō. -Bla -kpō 'wo- wo 'dhëedhō, 'ö- pō 'ö 'sië- 'kun 'dhëedhō kö me -nu -wo 'ö dō -blasü -me

'gbee- 'ka. =Dhe -kë 'dhö 'ö =glöo -yō ö -kō -ziö -a -bha -bëe 'gü, =yaa- =dënn'g' 'kan. -bëe =ya =yō- -glöo =ya ö -gen yō -a -ta. -A -bha 'kaa 'ö- zü -bha, -a 'plë

=ya yō pian, -a zü tii bhë me 'plë =wa -kpën -a -bha. Gönn- =në -më 'ö dhoë- kë =zlöo =e? Ö 'pian -mlë 'ö dhoë- takpa -ε. -A 'dhiö -zian -mü =e 'iin -a bha 'kaa

-mü =e? =Glöo 'yaa- 'piö 'yō ö -gen bho -a -bha -bëe =bhüö' -ta. Ka -bha =dhe' bhë, -kaa -daa kë.

-Piən

Kwa- -pö kwa -de -wo 'gü =nɛ:
« -Slɛslɛ 'ö =gwan -kan. »

'Kwa- pö dhö kö kwa -pö =nɛ bhi 'ö
'ü -kwaa 'sëedhe 'ö ya 'ü ü -de nu -sü
'ka -a -wo pö -sü -dhë gia- giawo bhë,

-a 'wun "gbu-, ü 'gü 'ya 'do ga-. 'Dho-
'ka -lëëëëdhö, ü -dho -a dɔ- yi do 'ka.


'Wun -taə bə -sü

Kwa -bha 'sëedhe =plëëzë -nu -wo zian -ta. -A mɛ -nu 'ö =wa yö pian 'wo nɛ :
-Zuu 'gü bhuö -dhebokɔ : "Dan Blowo" Yaa yö pian =va =kun
Sɔyuögü 'su =dhong' sëedhe : "Dan Blowo" =Ya yö pian =va
'Waa 'wɔn yaa "yɔɔ bho'wɔn yaa 'ka : "Dan Gwɛɛtaawo" =Ya yö pian =va.
'Sëedhe -nu 'wo =nɛ -dhe -nu 'ka dhö -an =slɔɔ -a -bha 'wo =nɛ : Daandhö :
Gɔɔngɔ Zan " kamë Sëedhe 'dhɔɔdɔ -dhe -bha".


'Maadhö : Zɛ Emanuelö 'piö;

Bia : 'Sëedhe =dhiëdhe SIL

Riviera Golf. (225) 22 43 12 72 / (225) 22 43 14 98



Pë 'bin =plɛ 'wo =nɛ wo -bhə wo 'koë- 'kɛɛ -a do =zaadhe 'slɛaga -ya -bha -an =mɛɛ'-



'Ka yën 'sëedhe =nɛ -a pö -sü -bha -ka ka -bha -zotadhe -nu nu yi -dhë.
Yi 'yan -yö ka -bha 'sëedhe -nu -gɔ kö 'ka- bə yi -dhë.

Mɛ -nu 'wo 'sëedhe 'ö =nɛ -a =bɛɛn -an 'tɔ 'wo =nɛ Sai Zoiasü, -Kese Mɔyan, Zafe 'Dhɔɔgbö, Valangten
Vidrinö waa- Edhena Pɛdhɛkwälösökaya 'wo go Lusi -sɛ 'gü 'ö yöë Hanesü 'ö go suisü -a -bha.
Yi -bha 'sëedhe kɛ -dhe 'nimlo 'ö =nɛ : SIL 08 BP 857 Abidjan 08 Tel : 22 43 12 72